

# Heimatbund-Seminor: *Plattdüütsch schrieven!*

Sünnavend, 04.03.2023, Kl. 10.00 – 16.00

DEULA, Grüner Kamp 13, 24768 Rendsburg

Referenten: Christiane Ehlers (Niederdeutschsekretariat), Jan Graf (SHHB)



Platt! Snacken geiht. Man Schrieven? Hier is dat Seminor för plattdüütsche Journalisten, Autoren un all Minschen as ik un du, de nich Analphabeten blieven wüllt in de egen Spraak. Hartlich willkamen!

Mit goden Grund hebbt veel Spraken op de Welt en faste Orthographie: Een kann de Wöör alltiet wedderkennen. Dat Lesen fallt lichter. Un ok de Autor sülvt mutt nich bi elkeen Woort nie överleggen, woans he den Klang vun sien Spraak mit Bookstaven infangt: He weet, dat Schrift wat anners is as spraken Spraak un richt sien Schrieven na Prinzipien, de sik jümmers liek blievt.

För dat Plattdüütsche hett Johannes Saß in't 20. Jahrhunnert Schrievregeln opstellt. Se sünd wiederentwickelt worn, un jümmers mehr Schrieverlüüd bruukt ehr nu. Kinner lehrt düsse Schrievwies op de plattdüütschen Modellscholen in't Land. Un ok de Sleswig-Holsteenske Heimatbund steiht achter düsse Regeln. Se sünd licht to verstahn un antowennen. Un siet verleden Jahr giff dat den NIEGEN SASS nu ok online. He büdd gode Funkschonen. Ok de warrt wi uns bekieken. Christiane Ehlers vun't Nedderdüütschsekretariat un Jan Graf vun'n Heimatbund stellt de wichtigsten Grundlagen vör un öövt mit de Deelnemers. Dorbi warrt wi ok kreative Saken schrieven un besnacken.

För Lüüd ut Verenen, de to'n Heimatbund höört, kost dat Mitmaken nix. De annern betahlt 20,00 Euro. Wi sammelt dat Geld vör Oort in bor in. Dat Meddageten is dor mit bi. Seggt uns glik bi de Anmellen, wat Ji hebben wüllt.

Dat giff

Swiensfilet mit Gröönsaken ut de Pann, Braadkantüffeln, Champignonsooß un Salaat

oder

Brokkoli-Kääs-Braadling an Gröönsaken ut de Pann mit Knooflockdip un Braadkantüffeln (vegetaarsch).

Bet 24. Februarmaand köönt Ji Ju anmellen per Mail bi [j.graf@heimatbund.de](mailto:j.graf@heimatbund.de).

**Heimatbund-Seminor: *Plattdüütsch schrieven!***

**04.03.2023, Kl. 10.00 – 16.00**

**DEULA Schleswig-Holstein GmbH**

**Bildungszentrum**

**Grüner Kamp 13**

**24768 Rendsburg**

**Anmellen bi [j.graf@heimatbund.de](mailto:j.graf@heimatbund.de)**